



國立故宮博物院珍藏



# 清代起居注冊

咸豐朝第二十八冊

國立故宮博物院珍藏



# 清代起居注冊

咸豐朝  
第二十八冊

咸豐五年十一月上……一六二三一  
咸豐五年十一月下……一六三八七  
咸豐五年十二月上……一六三三一  
咸豐五年十二月下……一六七〇九

# 清代起居注冊—咸豐朝

(清)沈兆霖等奉敕撰 民國72年 臺北市 聯合報  
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT\$ 86,000.00

72 · 12 · 0650

· 89007128 ·

## 清代起居注冊 咸豐朝第二十八冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六一三—七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊  
定價每部新台幣八六〇〇元

咸豐五年歲次乙卯十一月初一日庚申

上詣

大高玄殿拈香

壽皇殿行禮

駕進宮是日內閣奉

諭旨蔣霽遠孝順奏剿辦上游夷匪攻破羅朗賊  
巢擒獲首逆一摺貴州羅朗股匪擾及貞豐永甯

郎岱各州廳並安順府屬地界經孝順於九月  
二十七日移營至乘涼坡派叅將申有謀等分  
路繼進並親督弁兵直搗丫口五路兵練奮力  
上山抄殺燒燬哨蓬掀倒石牆殺斃賊匪三百  
餘名墜崖死者無算餘匪欲由下募役竄回羅  
朗該提督等一路追殺斬獲甚多並揮兵直抵  
羅朗賊巢匪眾傾巢出敵我兵鎗礮並進殺賊

二百餘名將上下兩寨房屋一概焚燒生擒逆  
首羅得鳳等十四人夥匪偽指揮羅汶秀等八  
名其同為逆首之羅二馬魯起隴王阿金及夥  
匪八十餘人並偽先行魯鷄報等五十餘人均  
經各兵團及各夷寨先後搜獲網送此次一鼓  
破隘掃蕩賊巢斬殺生擒駢誅逆首洵足申國  
法而快人心著蔣霽遠等仍嚴飭在事文武乘

此聲威移兵攻剿江隴白石等處務令醜類盡殲勿留餘孽所有尤為出力之昭通鎮把總劉尊權東川營把總賀萬年均著免補千總以守備儘先補用昭通營効力武舉馬淩雲安義鎮把總張朝喜鎮雄營把總全得勝均著以千總儘先補用並賞戴藍翎東川營額外王慶春曲尋協外委鄭文祥昭通鎮額外楊占斗均著以

把總儘先補用並賞戴藍翎東川營候補千總  
許應昌王正昌均著俟補缺後以守備升用先  
換頂戴督標候補守備羅汝翼著儘先補缺後  
以都司升用先換頂戴儘先選用未入流楊順  
吉著免補本班以府經歷縣丞留於貴州補用  
該部知道又奉

諭旨蔣霽遠孝順奏丹江廳營失守一摺貴州丹

江廳地方於五月間有苗匪自台拱清平等處  
竄至將該廳所屬之治安堡焚掠進圍廳城並  
分股攻陷雞講汎經貴東道承齡等派委興義  
府經歷黃鳳千經王定臣管帶兵練往援因道  
路梗塞不能前進丹江廳城於九月十四日失  
守此股苗匪圍攻丹江該城文武等竭力守禦  
至三月之久卒因援兵不至被匪攻陷所有帶

兵赴援之貴州保升知縣興義府經歷黃鳳保  
升守備撫標千總王定臣遷延不力咎無可辭  
著一併革職留營效力貴東道承齡撫標叅將  
侯升副將圖塔納於派撥援兵未能督催前進  
均著摘去頂戴代理鎮遠鎮總兵遊擊余瑞麟  
護理貴東道都勻府知府鹿丕宗於所屬廳  
失守均有應得之咎余瑞麟著交部議處鹿丕

宗於都江失守案內業經革職著仍暫留都勻  
府本任責令剿匪以觀後效蔣霽遠孝順均著  
交部議處其丹江廳文武並堵剿新城汎苗匪  
之守備馬連科等實在下落著蔣霽遠等查明  
具奏又奉

諭旨蔣霽遠孝順奏請將禦匪不力之遊擊革職  
並請將陣亡各員弁議卹等語貴州苗匪前次

滋擾巖門等處代理鎮遠鎮總兵遊擊余亦麟  
並不趕緊帶兵堵禦以致失陷地方傷斃兵練  
實屬畏葸無能余瑞麟著卽革職以示懲儆其  
禦匪陣亡之署守備雲騎尉黃朝珍奮勇接仗  
力竭遇害深堪憫惻著交部從優議卹救護黃  
平等處力戰陣亡之千總左廷奉劉世舉把總  
甘一本外委曾元惠額外姚起鴻武生龍德同

時被害著一併交部議卹以慰忠魂又奉

諭旨景淳奏請將歉收地方陳欠銀穀展緩一摺  
上年三姓地方收成歉薄業經降旨將該處帶  
徵銀穀展限完交茲據奏稱該處本年秋季風  
雨過多傷殘禾稼收成僅止五分若令將銀穀  
新陳併交旗民未免拮据加恩著照所請所有  
三姓咸豐四年分奏准自五年起分限兩年帶

徵八旗兵丁元年三年陳欠義倉穀一千四百四十石官莊壯丁公倉穀九千石民戶地丁米折銀一百三十八兩零均著再行展緩一年自咸豐六年秋後起仍照原限分為兩年完交以紓旗民之力該將軍即刊刻謄黃徧行曉諭務使實惠均霑無任吏胥舞弊用副朕軫念歉區至意該部知道又奉

諭旨前因福建已革通判朱璐以幕掌官權等詞  
遣抱告來京呈控當經降旨交有鳳李聯琇審  
擬具奏茲據李聯琇奏現屆學政任滿應否將  
此案移交後任等語聲明請旨李聯琇交卸後  
著暫留該省仍會同有鳳將此案審辦完竣再  
行來京覆命是日兵部題福建桐山營游擊員  
缺請以四川茂州營都司王凱推升一疏奉

諭旨依議

是日

起居注官德璵周壽昌

初二日辛酉內閣奉

諭旨陸元烺奏賊擾永新等縣添兵剿辦一摺九  
月十三日湖南茶陵州賊匪竄至江西永新縣  
境內經陸元烺派令署總兵阿隆阿督率叅將

柏英知縣華翼綸等帶兵迎剿該匪分股繞路  
闖入縣城官軍堵禦不及駐紮里田要隘調集  
團勇二十五日賊匪復分竄永新安福之隆田  
地方華翼綸等奮力追捕殲斃賊首一名生擒  
六名立將永新縣城收復二十六日該逆由隆  
田圍撲安福縣城知縣杜林帶勇出剿殺賊百  
餘名賊匪愈聚愈多縣城致被攻陷二十八日